



張說之文集卷第二十

府君墓誌

張府君墓誌

碑銘

刺史先府君碑

府君墓誌

元君石柱銘

元府君墓誌銘

張府君墓誌

處士張府君墓誌

唐贈丹州刺史先府君碑

府君諱隲字成隲范陽方城人也張祖曰韓帝軒之
胤肇勲弦木錫姓上矣詩有鄉士孝友史有留侯世
家八葉至東漢司空皓公子宇北平太守始居范陽
四葉至西晉司空華公子躋散騎常侍乃僑江左是

孫太常復歸河洛故河東有司空峇洛陽有散騎里
後司空至府君十二代不失仁義矣王父諱戈周通
道館學士考諱恪無祿早世府君斁生遺育四代單
緒家世尚儒不及伯魚之訓外祖爲理遂讀臯陶之
書以明法曆饒陽長子二尉介休主簿洪洞丞以所
願乎下事乎上以所願乎上交乎下反身與人何往
不順臺選貞白覆囚山南人謂是行有典刑矣吳天
不弟年五十二調露元年十二月乙卯捐背於縣廨
夫人長樂縣太君馮氏父威藍田丞敦脩法度踐涉
圖史願復秀孤將就成立家道不殞夫人是賴享年

七十二傾背於東都康俗第光珪說不天夙遭閔凶
又集荼蓼先生制禮不敢從滅以景龍二年七月已
酉安厝於萬安上陽附從周制也先君不祿俸不奉
親不機杼不資身僚舊無鷄黍之接况其非類乎族
姻無魚菽之受况其人吏乎是全其高而善其獨也
過四十始閱六籍觀詩得之厚觀書得之恒觀樂得
之和觀禮得之別觀春秋得之正觀易得之元曰君
子多乎哉事斯一言而已矣每誦道記三復三寶曰
至人之心有以垂世又聞之太夫人云吾有子五十
載非其疾無一人之憂太夫人亦云吾事夫子三十

年耳無忤聲日無暴色先君之遠世也其愛戀者尊
門在殫欣聖善在堂歟我諸孤無日敢忘及王母終
養二祖封崇亦尚克家成遺訓矣若夫安親孝也宜
家義也翼子慈也軌迹隱乎含光故當代罕耀馨香
發乎潛德故明神終勞先大夫久而益榮沒而不朽
蓋此景雲二年天子嘉侍臣之匪躬念前人之蘊德
二月乙巳詔曰故官某毓德高邁藏器下僚代載儒
雅家傳清白河東佐邑長不欺之風山南覆囚溢無
究之聽祖謝永久丘墳不飾啓茲令胤貞事先朝宜
崇追遠之恩以表揚名之志可贈使持節丹州刺史

王父大理丞某重世爲士君傳其憲章博施精理年
十九明法擢第解褐饒陽尉丁王母憂去職夫人少
而守義老而無子因心創巨事不忍言喪紀之數加
人一等服常調長子尉換介休主簿洪洞丞太夫人
在堂官求便近故累徙而不進也內清淨以化人外
平反以悅親不樂歸美而善隱德故下車無赫赫之
聲所去有遺愛之戀有命羗覆囚山南轡軒所歷全
濟甚衆君以律有遠經背禮者妨難十九篇書奏帝
下有司而刪定之官黨同妬異竟寢其議道之將廢
也歟命也滅倉其如命何調露元年秋奉使晉陽遇

疾輦歸藥禱無降冬十二月大漸九日乙卯棄背於
縣廨春秋五十有二光珪說不天摠角在夜明年春
奉輜藁歿於河東賴夫人撫養孤藐躬如訓授男集
文雅女工組繡姻不失親官復其舊景龍元年秋封
長樂縣太君夫人故藍田丞威之女也享年七十有
二是歲十一月戊申傾背於東都偕里第於戲哀哉
靡瞻靡依何怙何恃二年七月己酉克塋我先公夫
人合祔焉從周制也初議塋小子夢度景於萬安山
南孤推東峯之下時淮南弘公相地曰是山爲華蓋
崗爲蟠龍龍者大人之德孤者王侯之孺卜夢協兆

王澤漏乎泉壤國禮崇乎宗廟漢帝論士恨不見李
牧之爲人曾子思親泣無逮楚王之厚祿道存運往
痛矣餘悲緬尋前哲之所以聞無聲於四海視不見
於百代者匪頌歎桓麟蔡邕其則不遠嗚呼霜露交
積松檟滋深兄弟永懷相顧將老胡伯虎豈敢掩大
人之清陳季方何足知家君之德小子銜恤非曰能
文莫假辭於他者終傳信我也銘曰
猗嚴考用玄妙體太和碣高志貞夫一戒其多孝于
親正于家刑十訓清厥心晦厥迹畏厥寶如其何謙
儉慈皇哉褒德永世有詞

府君墓誌

府君諱隲字成隲姓張氏其先晉人也晉分家世相
韓韓滅留侯爲漢謀主至宇爲范陽太守因居其郡
及華博物亞聖爲晉司空君司空十二代孫也曾祖
諱俊河東從事大父諱弋字嵩之通道館學士考諱
恪未仕即世先君四代早孤單門築立宗祀之不絕
如綫府君襁褓衰麻鞠育舅氏而炳太和之絕休抱
遠慶之洪徽庇身禮樂發言忠信內無不誠大無不
包終日乾乾遠于悔愆靈根顛而還植祖德墜而復
振加以好學不倦聞一及三道機玄鍵罔不幽探外

何善如之乃定墳塋窆宅茲所小子銜恤誌之幽誌係曰
欽若古訓時惟皇考翕和三光希聖二老清有世業
儉爲身寶繡綸典憲思緝玉道佐彼四邑人用不擾
生我曷後棄我曷早閱余髫髮遭家不造鳴鳩在桑
其子在棘母氏聖善示我顯命服天朝封邑舊國榮
未卒歲哀喪已匝域泣血思親昊天罔極孤之華蓋
土龍蟠連岡四繞帶林鬱朝日吐耀遠峯攢微風夕
發過蕙蘭石室固護泉火寒衆靈幽謁奉神歡壽官
深靜永閑安

唐故涼州長史元君石柱銘序

并

公諱仁惠字某河南洛陽人也晉帝軒命子爰宅幽
都天神降祚遂荒北獄其後日月運行雲雷經始壇
塲鄴洛據天地之圖帶礪山河建王侯之國公魏昭
皇帝之十世孫中壽令濮陽王順之曾孫也大父雄
魏濮陽王改封武陵之郡宇文朝降為王昆吾伯嗣
越在濮陽之墟瑯琊王子別封武陵之郡宇文朝降
為武陵公太府卿秦州總管徵子去國不替舊章薛
侯來朝於焉降等父曾隋濠豫二州刺史右衛大軍
襲封武陵公翼亮隋室弘濟王基有佐命之元勳承
異朝之世祿文武藉甚貽晏深長公受金行之正性

承冠世之隆烈幼見岐嶷夙聞聲器靈臺雲秀繩墨
之宰無施雅韻天成金石之師何力屬隋綱始系神
棄不歆鄉族衣冠日失其序獨寤寐宿永懷盤澗之
人藏器待時未射高墉之隼唐高祖龍飛天宇鶴
巖林授公右千牛錄鬻閑之恩舊也高皇邑予既與
盧紹同衣世祖學徒則有嚴陵共宿久之以公事免
為雋州法曹又歷循州河源滑州靈昌二縣令克已
為政蠶貊化忠信之言直言與人仕已無喜愠之色
永徵在曆石真構難群究既翦江界蕭條帝念疲毗
疇茲俾乂乃授睦州雉山縣令乘駟而往下車作期

江通海盜革面來威然後間網鳩人峻築羈吏閑田
盡闢鰥寡委犬彘之餘絕澗無遊豪猾屏蚕漁之氣
我有禮樂達於山川鬼神物應休貞孚於鳥獸草木
朝廷異之拜朝散大夫行隆州閬中令至改授雍州
渭南令觀人設教異邑同風遷隆州司馬尋加朝散
大夫守涼州都督府長史分乘兩人康頌作化澄巴
濮無侵橘袖之園教溢河湟不飲蒲萄之酒離歌就
是為夢臨辰命躋修途榮軫厚德總章二年終於官
舍春秋七十有三夫人安定梁氏文伯之妻君子以
為知禮孟軻之母良史稱其能賢齊德茂於昭塗合

祔其於幽遂有子懷貞斧藻評禮佩踐義方承家有
馥之蘭如也歷官右司員外郎太子舍人而罹事徙
居復歸舊土履霜露於三紀無改素冠之行違桑梓
於十載還守青門之田勤孝在乎追遠豐感思乎備
物武陵公之塋域今順陵栢城之內也山園有禁奉
瞻靡及粵以聖曆二年歲次月朔別卜宅於咸陽縣
肺浮原合塋焉公孝友純深風標峻起門無離客家
有嚴君而佐郡為邦弘風邁德執法不撓去邪勿疑
仲由之政事叔向之遺直豈稱論之典有闕範期之
容將墜仰惟代姻恭承哀記郭有道之故事無媿蔡

邕趙文子之將遊永懷隋會寓詞楹石式題賢龕其

銘曰

大哉乾元 我族資始 有國伊魏 曰天之子

皇義姓胤 帝姬氏水 初業垂統 鬱乎舊史

崇德象賢 允也重軌 身涵王性 潤結珽源

武公之子 平王之孫 川流長直 光氣能渾

孝栢深穎 義重荆藩 白珪比節 黃金敵言

行實剛簡 遊無諂顛 學妙神教 書能鬼笑

避彼屯運 盤桓空谷 四海有王 一旦明目

佩此芳草 遷于喬木 亦既從政 淑問克宣

秉心如水 臨事如弦 歷宰四邑 高芬屬天

元僚兩郡 汪化流泉 江河秦蜀 嘉聲在焉

三光西沒 百川東度 天道運迴 人隨代故

倏忽三紀 悲元千露 帝塋橋山 傍壻祖墓

瓦斷舊域 地開新路 路即咸陽 阡惟京比

坤氣雲蓋 長崗龍抱 竈揜銅人 瑩留石鳥

塵歆徑滅 山飛海少 篆刻揚石 亭亭華表

唐故左庶子贈幽州都督元府君墓誌銘

維開元十年正月己未庶子武陵公河南元公薨於
東京畱守之內館公諱景懷字其魏武陵王雄之曾

孫右衛大將軍胄之孫贈鄜麟州刺史仁惠之季子
昔天啓水行君臨寰海雄圖長發本枝碩茂濟美象
賢餘慶不隕公受茲介祉誕膺淑露幼有純至之節
長立公直之操學綜群藝詞壇精微夫其結言以信
導物以德清儉足以軌俗真厲足以矯邪故美暢於
中名揚於外弱冠以國子進士高第補相府典籤藩
邸擇賢妙盡時選尋以內憂去識重補相府叅軍及
明兩昇儲作貞萬國以宮臣除太子通事舍人天授
中以親累除名向逾一紀後除直羅溫縣二令雖大
位未享通材必久功自太府主簿累入副卿河南掾

曹克昇亞尹握蘭右轄綱紀南宮秉茲憲簡肅彼專
席再賤儲華卒踐宮相執心好直履法斷恩觸雷霆
而除惡不避也枉絲髮而干譽不為也升降兩宮出
入三代克慎其始終厥有成君子以為難允哉其難
矣及啓手歸全遺言薄葬家無長物士伏其清年過
懸輿人傷其夭嗚呼哀哉贈都督幽州諸軍事幽州
刺史賻悼之節優於恒數明年二月歸葬於咸陽之
舊塋夫人常氏祔焉禮也夫人即逍遙公敬遠之玄
孫左常侍希仲之叔姊淑行無徵華年早世其孤彥
仲等克遵遺訓靡所寘哀說情睦外姻懷深國士既

闕西階之莫遠投東武之詞銘曰

卓彼英運 慶靈既長 貽訓夫子 體微知章

在藝斯博 於欲則少 徒文其中 莫飭其表

惟靜惟默 不激不矯 時經三代 官成兩宮

化若風偃 德如澤融 邦稱其直 朝哀其忠

禮祔周兆 墳瞻漢宮 哀哀純孝 長訴旻穹

周故通道館學士張府君墓誌

君諱弋字嵩之范陽方城人也其先張仲以孝友佐
周子孫醜周仕晉相韓至留韓侯報韓雠秦與劉滅
項為漢世家九代及于漢亂居燕四葉為晉司空混

天下司空生禘避胡過江六世至太常而復寓于
河東之族人君即太常卿隆之曾孫徵君子犯之孫
百步車服出入擬於封君州里頗患之君廼勵操強
學不出門者十餘年探道觀奧鬱為淵藪周武帝聞
之徵為通道館學士既入隋而面其國高尚厥志終
於山廬嘗言夷齊清者非達伯鸞曠者非中優哉游
哉吾不與也夫人某氏少而嫠居長而喪子流離世
政窮盡艱危提攜女姓託身禪宇實有高行之烈隱
居之夙未遑歸葬有志不就遺恨終天降及曾孫追

申情禮景龍三年歲次己酉十月十六日克葬曾王父曾王母於河東之普救原成先志也銘曰

皇矣烈祖 才雄氣武 不值漢高 空思萬戶

一旦折節 十年學古 高步華光 飛纓書府

昔有周處 聃蛟契虎 易暴以儒 異代同矩

周命既沒 百代于隋 任於二姓 君子不為

昭昭盛德 百代之規

唐處士張府君墓誌

府君諱恪其先晉人晉有張老韓有開地漢有留侯八代孫皓為司空司空子宇為北平太守遭漢亂難

家于范陽至玄孫華復為晉司空遇難子孫南渡其處者或寓於蒲坂周齊間有歸者因從焉君晉司空十一代孫也曾祖徵君諱子犯祖河東郡從事諱俊父通道館學士諱弋德音遺範詳諸家謀君孤紹單門傍無兄弟苗而不秀未仕而卒道未融於邦國位未揚於王庭故老之口浸遠好事之書又闕是後生不得預聞焉哀嗣子洪洞丞騰襁褓哀麻育於舅氏夫人隴西董氏常州長史雄之女也早年守義唯鞠一子嚴而有儉勤而善訓成先人之平烈貽後嗣之積善徵太夫人德則張氏幾將墜焉開耀元年十二

月二十七日終於鄜城縣世婦之別業春秋七十有二先君之違世也太夫人在堂大門在殯日月逾邁有志未從是諸孫疾焉若履淵谷以景龍三年歲次己酉冬十月二十六日克葬王父王母於蒲坂東司空之村成先志也銘曰

綿綿王父 續我靈基 幼而殞德 人莫知之
烈烈王母 克明克類 教成鬻子 光我族嗣
中條之北 大河之東 丘陵桑梓 鬱鬱崇崇
千年啓室 百歲來同 末惟先志 欽成厥終

張說之文集卷第二十一

張說之文集卷第二十一

碑

和麗妃神道碑

鄭公主神道碑

薛氏神道碑

鄭夫人神道碑

穎川夫人碑

昭容上官氏碑銘

和麗妃神道碑銘

奉敕撰

舊史云軒轅帝官次星其黃龍之體郊媒神妃次妃成玄鳥之命非聖也莫能法天非天也莫能感聖則有相乎坤而母乎震齊乎古而合乎天跡雖秘絕猶可則而言焉麗妃趙氏天水人也麗者以華美為貴

妃者以配合為尊易云日月麗天傳稱星辰合度麗
加妃號自我為初原夫八駿勒周肇有封姓三軍霸
晉乃蕃卿族設寶符而開國曳珠履而承家果驗成
宣之後不之文忠之慶堯門昭殿何代無人暨乎紫
氣上通瑤臺獨立楚宮選美納良袂於神明漢掖求
才進團扇於明月故坐而論教則位比三司動而具
瞻則儀刑六列者夫將軍以恩澤授職太夫人以有
禮封鄭流車羅馬豈無甲觀之親湫宅闢門不有椒
房之勢探風揆化憂國如家故聖人有以尚其德也
躬親繭館義形熊檻退帝以愛禮樛木以廣恩望古

艱臻之地必為常踐之域故聖人有以嘉其志也懸
象告沴經時寢族在蒙被之辰谷還輦之間生可捐
於浮假心獨係於玄貞神往清願承恩而入道形
歸下土期去禮而薄葬慈顏同氣奚敢為言皇上閱
而許之咨嗟不已開元十四年春秋三十有四七月
十四日薨於春華殿殯於龍興觀之精屋示以出家
從道例也命河南尹監護河南令副焉喪葬務約成
遺語也二十六日定於故都之後卬山之陽猶慕承
華棲涼薄室列礎露於東路迴容衝於北山壽堂一
閉兮凡聖等人代同悲兮脩短問月帔雲衣襟以神

仙之服上房陶籃旋於造化之初此皆聖主之曲成
賢妃之本志何必雲陽山下別赴通靈之臺未央宮
中虛立致神之帳若夫易名典考行是存帝 曰種
禮之貴也氣之和者天地生萬物聲之和者上下無
怨魂知後命感聖恩乎有詔史臣恭銘內職事出彤
管辭無華飭寫樂池之永傷寄瑤山之罔極銘曰

帝妃佐后實堂陰教八月選才千金聘貌禮獻絲繭
詩脩幹濯婦政可尊嬪夙須效皎皎漢女為皇降靈
娥娥邦媛順道之經結以印綬華光後庭帶之弓鞬
明潤前星迷迷潛運夙承嘉獎謙苦中京崎嶇上黨

金鏡開目明珠耀掌心方樂於時泰魂往悲於化往
紫雲衣兮霓裳送美人兮北印曰壞宮兮青松苑去
君息兮日遠秋風急兮霜天草木黃兮野田滅香容
於空擲留畫像於甘泉春秋以麗和之二字獨褒美
於千年

鄭國長公主神道碑

臣聞堯有娥英致九族之敦序舜有霄燭動百里之
光耀大聖之後天必縱之積善之家神所慶矣豈惟
上帝之女雲漢為靈平王之孫肅雍其德連華前志
世有其人皇唐鄭國長公主者睿宗之第七女也母

曰崔母妃構累聖而成門合濟美而為室蘊乾坤之
純粹演日月之清明神媛誕靈常言所絕免懷之歲
天奪聖善不食三日哀比成人文母流胎教之慈曾
子得生知之孝由是宮闈延矚邦國遠聞及乎玉笄
輝首油駢在馭錫之美地邑以荆山求之令族嬪于
薛氏爾其居玩圖史動修禮法服其澣濯恭儉之教
與鼓其琴瑟敬讓之風被其行已也安親惠下之謂
仁敬宗合好之謂義降貴接卑之謂禮恕情周物之
謂智推心行罔不該備其理家也待膳饗餼之均和
主饋醴醢之品齊絃竹五音之微靡纂組九華之縟

麗經目所涉莫不精記每至三元上賀五日中參進
對精華折旋舒婉故以式瞻貴里儀範通門如千花
之汎蕙風百卉之涵膏露窈窕之儀克舉衍蕃之福
大來有男子四女子五朱碧生堦芝蘭滿室也習禮
明詩日漸庭闈之調銀章艾綬地連恩澤之侯日先
朝徹袞之辰迄今主成笄之日外降過制內疾餘哀
手寫金字梵經三部躬繡絲線佛像二鋪貝葉真偈
現心相相銀釵蓮花妙容呈意生於玉指孝思惟則
道遠乎哉開元繼明推恩由已進封鄔國長公主食
邑一千百戶田賦廣而彌儉禮秩尊而恭益其後君

子晨歌夫人晝哭未亡為孺生意盡矣撫視遺孤將
守栢舟之誓志其剝落未從柰苑之遊朝制斷息改
降鄭氏陵谷可移萌和之德不昧寒暑有遷松筠之
性如一均養大子麻廕二宗汾陰之室忘亡榮陽之
黨相慶既而善福靈應寢疾彌留盡國醫之伎遠方
畢至供御府之樂中使相望命之必至可不信也堂
邑山林忽焉瘁色平陽歌舞適足愁人開元十三年
二月庚午薨於河南縣之修業里春秋三十有七震
悼紫庭哀傷朱邸傾家若隊國同悲有詔光祿卿
孟溫禮監護喪葬京兆尹能廷休副焉窀穸之禮一

如涼國公主故事夏四月恩旨陪葬於橋陵不祔不
從古之道也上念同氣之致美感閱川之來謝恨棣
華之半缺悲瑤草之先化乃命國史昭銘懿迹降恩
禮於雲露寫哀詞於金石水非湘渚還起帝子之祠
山是洛陽即封天妹之塚銘曰

帝系白雲	仙源紫氣	漲家成國	承天作貴
赫赫聖祖	日文曰武	皇皇睿宗	一變萬邦
挺生淑媛	慈和孝恭	清臚如神	娥眉無雙
卽弟立官	湯沐建封	爰及笄總	禮施環珮
鳴鳳獻祥	乘龍峰對	帝唐降女	天乙歸妹

珠玉過庭

無地何載

欲報之德

銀燭新烟

黃髮正內 蛟門早開

無主何川 金碧青烟

吳大洞極 孰是言歸

羅素霜飛 繁頭毀形

改續他士 日從

長命萬壽 四海

龍湖忽上

良人求遠

說身夢衣

從人日順

道同龍

平

四海

變似明

名行

吾不諒人只予於其九龍有焉縣王諱宇姓薛氏

東息媯繩楚父懷羸霸晉

燠休二室 均懽等潤

在萬物向榮 眾鷄未成

祖載鼎城 歸安咸京

哀哀聖情 惻惻同生

挽歌別聲

橋山片石

或稱達性命者齊生死之說... 斯蓋無心之論耳焉是與議於情哉... 詞人於其誅語華秀從風君子為之歎... 仙麗之景與變化而遊... 應在昭在之... 仙麗之景與變化而遊... 應在昭在之...

珠玉過庭

蘋蘩正內

蛟門早闈

龍湖忽上

無地何載

無天何卬

金經書經

華絲繡像

欲報之德

昊天罔極

孰是言歸

良人未遠

銀爐斷烟

羅幕霜飛

懇願毀形

說身壞衣

只

改續他士

稟命曰從

從人曰順

良人未遠

反經合權

與道同韻

周

四海謚清

九族和平

心戀盛明

形隨落英

吹別聲

鹵薄凶行

石

千秋令名

延州豆盧使君萬泉縣主薛氏神道碑

或稱達性命者齊生死之域遠憂悵者一脩短之數

斯蓋無心之論耳馬足與議於情哉何則雲虹滅影

詞人於是詠謠華秀從風君子為之歎息豈不以對

仙麗之景懷變化而遺戀在韶蓋之節悼零落而偏

憤吾見盧氏之子於其伉儷有焉縣主諱宇姓薛氏

河東汾陰人大父附馬都尉奉宸將軍諱瓘尚城陽

公主考附馬都尉散騎常侍諱紹尚鎮國太平公主

其在昔也夏有車正先封周有薛侯爭長其在今也

五宗姻於帝里重葉母於王姬河水經天上積星辰

之氣霍山震地下多珠玉之休縣主秀而敏惠長而
洵淑貞義孝烈之傳吉凶賓祭之儀一聞成誦紈紵
絢組之製潛毛醞差之品一見懸解至乃鶴迴清濱
鸞聚崩雲月韻政砧花穠絲樹婦人能事咸臻妙焉
大聖天后鍊石補天有王母之神噐分茅列土啓弄
孫之美邑封猶有禮義引而親上簡乘龍正舉和鳳
為難絡八紘以選門奄千官以求俊夫以龍圖帝寶
祈步搖之華源虎戟侯門襲京燕之雄胃人之信美
帝用嘉焉以萬歲登封元年仲春既望歸於豆盧氏
六官送行百僚供奉迂以鸞輅遣以翟車環珮晃旒

璆然在馭黼藻未黛爛其盈門詔婚之禮於焉為盛
爾乃發其愛敬以事舅姑伸其友恭以諧公妹舉宗
洽比如鼓瑟琴每至婚姻會同少長咸集珩璜節步
金翠耀首有婉婉之心無驕矜之色晞眄睐者若遲
日之映漣漪瞻詞氣者猶光風之轉蘅蕙加以引納
懷和饋分周賧踈屬自附窮歸忘窘故蘭行彰信於
閨門而蕙風滿盈於邦國諒惟琬琰之性自美抑亦
劬勞之訓致焉中宗孝和皇帝雲迴南土龍見東京
二儀更闢九族咸叙望我兄兮公王贊陶鈞之力曰
吾甥也縣主開井邑之賦神龍元年春加實封三百

戶縣主既通籍門闈奉御又尚司殿省天子巡遊宮
觀觴樂池臺我有周親無時不從主家外幸此齊后
而聆息子婚中參與趙王而均禮或醉飽無度寒燠
未平何嘗不御藥在門王人接路當時厚澤莫之尚
也景龍四年二月以奉御出為丹延二州刺史保傳
下堂隨朱轡而同去轎輦入郡與皂蓋而齊飛辭宮
闕而歲闌慈庭闈而日遠肥泉永歎衰氣攻哀楚祝
招而不來秦醫來而不及景雲元年八月二十一日
傾逝於延州之解舍春秋二十有四美玉禿顏明珠
晦色平陽舊宇遂無望於歸寧幸懷新文空留連於

水逝有子三人西華南容東里等或烈或岐呱呱而
泣天何以罰神其思之冬十有一月五日歸葬於長
安洪濱原窀穸營護有命加等器服祖遣率由舊章
生之也榮葬之也禮若夫柔嘉好合善之原也肅雍
降貴謙之道也山河其德空濶廣也能罷其祥祚胤
大也揔衆美於脩嫗馳落暉於小年此所以哀中之
又哀也昔袁亡馬氏蔡筆斯奮鄭喪曹姬潘文亦作
矧茲內範事華無媿砥望夫之石以表靈丘緝幼婦
之詞將傳終古銘曰

薛之重祖

胃軒國禹

相駿侯周

氏其土宇

英黃白雲 樽彼河汾 公門蕃衍 銘鼎氛氲

則仁則義 則威則動 餘慶分祉 誕靈女士

中宗之甥 鎮國之子 皎如霜雪 華如桃李

舜族爰序 堯封咸秩 萬泉開源 三百其實

守盛以儉 吾冲不溢 亦既鳴鴈 宜爾家人

謙恭下下 撫納親親 傾財致客 對饁如賓

我有邸第 前臨黃道 我有池塘 却望青草

漢輦停暮 秦箫拂早 歲月易忘 歡愉難保

良人出守 將命北徂 與子偕往 飲別東都

望母腸斷 辭家淚枯 露萎勁草 霜酸衆鷄

魂兮何歸 京兆之野 葬於何處 杜陵之下

哀哀哀哀 列列行櫬 勒是德音 以觀來者

鄭國夫人神道碑 奉勅撰

鄭國夫人者弘農楊氏之女也開元神武皇帝惠妃

之母曾祖諱謀以禮樂習文為越州司馬祖行以折

衝學武為游擊將軍父宏以門才入仕為雍縣丞而

早卒初則天之代夫人言歸武氏曰恒安郡王生惠

妃及家令忠僕信開元十年三月終於通化里其四

月卜宅于少陵原哀子銜恤號旻仰訴怨報德而本

待託思齊於永慕皇帝悒鸞殿之內憂悵鶴池之外

慘揚淑聲而金石刻揭高行而天地感國史司文命
為鄭志若夫清明下濟嶽瀆上昇祥會德門慶育邦
媛神授孝理之性天啓聰達之心加以潤澤詩書友
玩圖傳伯宗好直預戒將亡重耳羈遊先稱必羈豈
真漢庭章奏假借仲長之才周官禮儀咨稟宣文之
學昌言嘉論有如此者螭首麟領修眉橫波既工嘖
笑易為容止肅恭而不踟舒和而不倨商周革命遇
屯有怡懌之顏桑霍儼予在貴無驕矜之色端容一
貌有如此者絃紘祭服闕朝衣纂組入神剪制驚
國雕胡之餅露祭之美五齊六清三醑七醢咸一見

而洞理或不習而知和女工中饋有如此者惠妃載
設皇子在者四人驪泉多龍丹穴皆鳳克岐克嶽預
見元凱之才實覃實詳早聞膏燭之豔亦關陰德之
潛襲胎教之密傳乎又名子以義成家以禮忠者以
令德為忠信者以不欺為信傳云去食去信信而有
徵經云移孝為忠孝則不匱周宗咸履紀季獨存至
德深圖有如此者壁司徒之妻邑其合禮南城侯之
婦封其舊功况夫虜徽四德四德咸舉經綸二義二
義克從匿武枚繼趙之勲產姚承配夏之慶吹凱風
於椒掖外王母於梧宮盛德大業窮光極榮啓國而

西鄭不亦宜乎十數年間二子榮立每至四時令節
六參嘉會魚軒照門龜艾交室為壽則珠月山積宥
幣則錦綺霞飛白玉蒲堂聚姻親而同有黃金作穴
散隣里而無餘君子欽其布義聖人嘉其寶儉故寢
疾則飲食天厨湯藥御府匪曰伊夕上官絡繹於闈
庭送終則戚儀傾都車騎曠日自宮祖野申使相望
於道路哀榮之盛壽記罕聞 所謂小君之遺美矣
聖善之高烈者也如使後代考南史議西陵披簡牘
而嘆息臨山源而榮味旌賁之道不其闕而然則外
孫之碑武檐之石非明淑之壘其何設焉辭成進御

帝稱曰善顧謂上扎我其書之於是灑翰黃縑縷字
青瓏波橫 蹙神變豔爛於山門鶴倚鸞翔生氣宛
迤於松路禮尊事絕恩崇迹遠斯又玄德動天幽誠
還日之奇致也誰昔未覩名言莫遠係曰

代有丹德 厥氏楊兮 祖考為士 夫為王兮

聖台中葉 總萬方兮 天命未改 復歸唐兮

賢淑啓佑 繼絕工兮 宗周雖滅 神女昌兮

達號西鄭 榮舊鄉兮 魚軒翟第 盛龍光兮

二子雙飛 華綬連兮 出入輪奐 庭譁煌兮

去此昭昭 即茫茫兮 何處詔葵 少陵阜兮

貴妃慈親

王舅号

寒暑流易

山川久号

古墳坡陁

老樹朽号

專宮靈慶

百代守号

頌石光華

千載後号

穎川夫人陳氏碑

穎川郡太夫人者諱某雷州大首領陳玄之女羅州大首領楊膺之妻驃騎大將軍兼左驍衛虢國公思勗之母陳氏家富兵甲世首嶠外夫人誕靈豪右淑問幽閑六行天至不因師氏之學四德生知無待公宮之教原夫陳本媯水揚承赤泉九真為郡良史出乎中國五馬浮江僑人占乎南海兩州接畛二門齊

望卜妻鳴鳳擇對乘龍楊公有聘玉之祥應姬獲探金石之慶號公弱冠昇仕鞠躬禁闈正性本乎胎教剛腸形乎義色神龍三年六月五日北軍作難西華失守騎入宮壺兵纏御樓公孤劍凌鋒群兇奪氣倉卒之際安危是屬既立殊常之勲遂蒙超次之命授銀青光祿大夫柱國弘農郡公行內侍其後改拜將軍太夫人是加爵邑高光九仞重祿萬鍾朝廷美其揚名州黨尊其遠聽夫人富而好儉貴而能動身却錦繡手親紡績公每昏定晨省夫人必誠之忠孝勤學文武嘗謂汝稱思勗當心念其義父母名之欲汝

三思而勗勵也故號公便習干戈漁獵書史致命伐
罪擒叛獠於百越寫誠誓衆破狂蠻於五溪聞子弟
如使手足請風雷若應期契聖朝答高秩於驃騎爵
大封於號畧豈非以辭茅之懇忠成斷織之明訓臣
節立矣君恩厚矣子孝成矣母慈著矣備此四者善
孰加焉抑神道祐心而人倫興行詩曰母氏聖善又
曰宜爾子孫斯實穎川太君之有也享年若干開元
九年四月八日薨於長安之翊善里先公早世兵燹
故城古無合葬禮有從宜夫以體歸下地萬里豈殊
平子黃壤魂何不之雙棺幸同於玄室以其年十一

月十六日招魂祔葬於萬年縣龍首鄉神鹿里申孝
子不忍隔親之情也恩勅賜錢十萬絹布皆百段日
殫忠厚漢武知其母教馮勤龍貴世祖稱其母德克
軫天情頗為連類號公生盡其禮沒盡其哀嗟閱水
之日逝懼藏山之夜徒追鏤碑板遠貽圖傳衆衆至
意有足感人恻恻信言固無媿也銘曰陳公舜後揚
侯周裔去國何人南遷幾世鄙綠嶂表珠崖海際兩
族相京財雄兵銳倚歟邦媛儷茲國士友若琴瑟華
如桃李心契法度容和愠喜資敬從夫移忠訓子嘉
此令子南溟北歸于天鶴唳 游鴻飛朱宮退敵銅

柱來威國安家寵魚軒翟衣子封號國五公前字母
邑潁川二君舊土感激榮慶踟躕萬古高堂夜空吊
客朝聚龍首山前前臨灞川招魂五嶺合葬三泉山
山丘墓樹樹風烟孝碑不滅慈墳永傳

昭容上官氏碑銘

齊公叙不錄

天降時雨山川出雲乃生靈媛祚我聖君精微其道
煥炳其文三光錯行昭容綱紀百揆繁會昭容條理
外圖邦政內諭元子憂在進賢思求多士忠孝心感
禿馬報之吉凶感應有數立爲禱之如彼九日昇爲
慕之如彼王良秦爲悼之漢宮選才班氏其特楚史
是則

畫霜樊妹之力或穆齊公叙其明德嗟爾彤管是鑒

張說之文集卷三

張說之文集卷第二十二

墓誌

逍遙公墓誌

陸君墓誌

張府君墓誌

馮潘州墓誌

贈葛君墓誌

尹先生墓誌

呂君墓誌

徐氏子墓誌

尹舍人墓誌

崔訥妻劉氏墓誌

中書令逍遙公墓誌銘

唐故中書令逍遙公韋氏諱嗣立字延構京兆杜陵人也受渾元之正性挺生人之秀傑門為孝悌之府

世處台衡之地士林之高標宗臣之首出者也生於
秦之清水長於鄭之成臯聰明先覺博古兼今究蓬
山之百氏綜闡里之六藝文而不華實而不滯原夫
志在於易行在於禮守橐籥之冲虛撻朱絃之愷悌
事有則而言有度神無方而用無體其與人也溫良
善誘仁恕多容俾夫頑蔽開析復鷙擾從君子進道
小人革慮聞者願來見者忘去若膏澤之浸陽和之
感萬物不知其化矣夫覆篲登朝濫觴宰邑聖朝知
其周慎忠肅簡易脩良是以綢繆兩禁重疊千里迄
踐宰衡終厥有成允化二邑理七郡一入中書再統

兵部選兵吏各兩冬典樞密共五載光弼四主歷政
三十有餘其間累有傍及官因左退日月蝕而更明
隨和幽而不昧爾其為邦設教遵德閑邪身勤心苦
誠感物化禮讓興於私室刑罰廢於公家衡鏡高懸
文武矯首才無我失善若已有風流名教作法垂後
訐謨皇極功格天地茫茫蠢蠢既生既遂四夷來王
五靈皆至然而外崇中素迹邇心遐本然朱戶之若
喪邈矣赤松之可接西宴驪山之谷東息龍池之野
擇逍遙而建號列土宇而開社即明主封立帝之謀
表高臣之志也公考侍中為國元輔公兄承慶當代

齊名咸以令德繼和金鼎扶陽二相陳氏三君復追
美矣侍中前夫人崔氏生黃門而即世後夫人王氏
生公而偏愛公克諧以孝回心則友啓均養之德成
無間之言天下之人比之祥覽惟公德行言語文學
政事四者實摠而兼之事親養志而能爭居喪過哀
而顧禮此善中之善者也善人天之經也國之寶也
道將興廢木鐸之用有時命或推移蒼生之望恒在
春秋六十遘疾陳郡還醫洛師開元七年九月二日
薨于歸德里有詔贈兵部尚書謚曰某禮也明年某
月某日葬於某地有子孚恒濟史儒然在疚靡所冥
哀以某忝縉雲之舊寮清風之餘論入難名之閭域
窺妙德之形容見託銘誌庶傳精爽至於歷官次序
平居事業當見郡府遺愛之碑國史名臣之傳故不
存焉銘曰

峩峩仁公 抱孝含忠 文獻則足 高明有融
翻飛王佐 穆我清風 道濟明時 心樂幽地
薛衣華袞 坦然一致 迢迢啓卦 帶礪傳祀
生涯共盡 振古其常 人秉三德 天歸百祥
臧孫有後 公業不亡

岐州刺史平泉男陸君墓誌

開元十三年十一月六日故岐州刺史平泉男陸公
卒于京師十四年冬十月葬于鄴西之先塋公諱伯
玉字某河南人識真之士也夫譽其克家光乎觀國
焉慈惠以宰邑弘雅量以執憲擅華妙於禮闈敷文
敏於禁掖推直方以獨坐率易簡之專誠所居而美
風振所蒞而德聲溢充於我而美形乎外者焉若夫
孝盡愛敬之衷悌包友順之節仁協返身之恕義適
成物之和四者禮之善物歟吾友嘗從事於斯矣然
而舉禮之綱持心之柄靜則樂先生之道動則濟賢
人之業位不盈量年無登壽之才也之命也復焉可

得而言哉銘曰

陸侯泉妙

體曠心古

龍章炳文

鱗角藏武

橐籥冲用

詩書義府

移孝則忠

安親合主

乃建侯社

乃牧王畿

有嚴有翼

有長有感

汲直謝病

秦和不醫

乞言未老

啓手全歸

石鼓東臨

銅臺西望

別業宛在

舊塋增創

弱子攀車

孀妻送葬

風景飄忽

山川惆悵

令德可傳

浮生匪重

神去一息

形遺萬種

靈往草陳

霜來樹拱

仁義長蕪

沒於丘隴

恒州刺史張府君墓誌

君諱承休字某吳郡人也留侯興漢播美西京長沙
徙吳蔽蔓東土曾祖冲在陳為文帝師入隋為漢王
學士祖後胤授經太宗尊之以祭酒既封新野又贈
以宗伯考少師位不充量止於朱陽老班固稱世名
忠孝魏武為積善之家昌門一系暉我諸族君受天
戮穀傳家業藝希言敦行去華崇實非法不由非禮
不勤精於物理敏於政事初以南郊齋即補兗州兵
曹丁太夫人憂廬墓三年加人一等再任始州司倉
鷹八科舉改鄭州錄事參軍又舉賢良方正遷揚州
司錄參軍移蘇州常熟令歷政皆有能名加朝散大

夫入為司農丞實掌錢穀姦僂恩望使覆囚嶺南是
司獄訟聽折惟允迺授濟源令風行畿甸河潤洛師
加朝議大夫上柱國拜隆州司馬轉恒州長史簡而
有孚權而有中道嬰風恙去職就醫還京春秋六十
有二終於頌政里夫人成紀郡天水秦氏廬陵郡公
行師之孫嗣公遊福之女敬事君子訓成諸孤當代
之孟母也年六十二終於許州開元九年十月某日
合葬於武功之禮讓原禮也夫道大難合仕屯而不
進德高有後身沒而福流君同生八人半服銀艾祚
胤五子率為珪璋比迹於燉煌六龍南鄭千室德門

濟美信有徵乎懼陵谷或遷乃勒銘沉石銘曰

思文留侯 時惟皇祖 長沙南守 分韓東

家有道書 門傳相府 崑我重世 通經二主

誕靈上哲 克廣斯文 造次仁義 優游典墳

孝乎事親 忠乎事君 荷郵叔父 亦足有云

馮潘州墓誌

公諱君衡字正平廣管高州人也昔畢萬苗裔邑于馮城因以為氏其適越者則袁宏過江錄所載長樂馮思恩之後也遠居避地代為右族帶甲千人擬四豪之公子田洞百里齊萬戶之封君祖盜持節摠管

高州都督耿國公葬贈左驍衛大將軍荊州大都督恩命分府為三州君之三子子智高州刺史子智玳恩州刺史猶子子游潘州刺史公荊州之孫恩州之子量包山海氣逸風雲陰德以濟物力行以游道散岸從心乘化而沒斯實一方超邁全真之士也夫人南海郡太夫人麥氏誕媿勲門作嬪傑室初執奠妻之禮終抗梁寘之行即大將軍宿國猛公鐵杖之曾孫女也夫人有三子一女同歸上京長子元璉左衛中侯次子元珪左領軍衛即將少子力士右監門衛大將軍少養於高氏故舉家從其姓焉天德厚者

福長先否者終奉天之報應豈虛也哉大將軍所以
雲漢奮飛忠孝至感迎聖善於炎海展三牲之色養
拔友于於荒徼會四鳥之嚶鳴縉紳羨談簪紱傾慕
是知敬仲羈旅將育于齊孟軻儒裔遂成名此母信
現才之特達亦餘慶之助成乎夫人享年八十有七
開元十七年五月十二日薨於西京來庭里粵以八
月二十二日安厝于長樂原之新闕閔將軍之純至
嘉先士之晦名恩詔追贈潘州刺史招魂而合葬焉
蓋殊常之禮若夫慈以遺後孝以揚親忠能合聖惠
足昭仁嗟乎馮氏之子具此四德鏤石垂文為不朽

矣銘曰

潘州遺世	滅迹沉彩	詔贈本邦	光燦南海
其孤永慕	昊天不逮	夫人虔順	奄背榮胤
悲離兩鄉	魂合雙襯	孝心可贈	百年匪恹
天日蒼蒼	丘隴茫茫	地名長樂	人樂無長
郭門之外	愁生白楊		

贈郎將葛君墓誌

公諱威德字某葛本梁國寧陵人也因徙遷今居京
兆涇陽縣父寶未仕早世公室無陶白之資朝無金
張之援不承過庭之訓不漸鼓篋之術而能奮飛喬

木獨拔深濟富忠孝而揚已善射馭而聞天早以武
藝妙選供奉每扈遊別館侍蹕禁林何嘗不左發五
犯傍連雙兔歲久拜元城府左果毅都尉尋加上柱
國入陪內杖思馬斯才出用未展其志有涯神功二
年某月日終於東都私第殯北邙之山夫人太原郡
太夫人鄭氏從夫有禮以子而貴開元八年十一月
薨于京兆之修真里有子福順克家用孝開國惟忠
泣風樹之無追痛榮祿之不逮哀戚之情上感飾終
之澤下流奄宥有期祖奠將設有詔贈右驍衛郎將
開元九年二月七日合葬於長安縣龍首鄉禮也爵

四門助教尹先生墓誌

爵宰樹蒼蒼墓田恐佳城之見日祕銘石於重泉詞
曰都尉武達夫人禮封令德高行譽偶名雙自古迄
今仁賢同盡唯傳忠孝餘慶不泯

先生諱守貞天水冀人蓋好學博古者也本乎官族
稱為尹氏昔有伊佚司周太史暨乃吉甫勒於宣王
格言大勲布在詩傳遠祖締魏僕射曾祖欣隋開府
大父珍唐棣州蒲臺令父文通唐通州三岡令先生
積德餘慶天錫純嘏愿而克恭情與禮合七歲誦三
雅能通書契訓詁之義識草木鳥獸之名十五誦三

禮能明君臣父子之道定郊廟吉凶之制二十誦春秋尚書能精五行九疇之數斷褒貶會盟之節二十五誦詩及易能辨政雅頌之始極變化生生之至又能誦古史百家之書善文章草隸之則耻夫流俗皆實響聲飭華褰末故每外和內厲元元本本學者如斯不舍晝夜垂拱四年以明經高第遂授大成自延載之後條限賓薦長安之初大開貢舉考功是歲千五百餘人召先生課發淑慝時稱無滯學矣天子聞其進通經術乃下制曰成均大成尹貞業隆時習功宣日就既有勵於分陰俾榮於校席可四門助教

說說青襟有所仰矣長安二年六月十日晝寢忽夢麟臺兩局爭召修文覺而歎曰十二日稷吾當往矣因命親族序訣至日安枕俟期俄然而卒春秋四十可謂古之達化知命者也嗚呼天與之德而不求其年天與之才而不大其位何乎粵七月十七日塋於高陽原先君之舊塋銘曰

尹氏之子 其殆庶幾 為仁由已 三月不違
謙成德柄 學也身基 辟雍洋洋 可以療飢
環林之下 可以棲遲 我實道貴 人言位微
修文下地 前哲同歸 子之知命 將歿先期

朝衣束首 精鬼高飛 人之云亡 胡不悽而
高陽之原 有隄其側 郭門直祀 松栢一色
丘隴纍纍 阡陌誰識 浮焉休焉 為我心惻

玄州司戶上柱國呂君墓誌

公諱虔字某其先東平人也堯之太嶽始封呂侯周
之太師實表齊國河西則霸王繼代關東則丞相聯
華近從河澗是稱右族大父贊隋幽州都督府長史
考師滄州青池令並振羽儀馳聲郡邑公孝悌天至
福樂混成千里聞騏驥之才五卿重瑯琊之價壯士
行去樹勲於塞垣君子居之何陋於蕃郡以上柱國

為玄州司戶參軍積善襲於 風餘慶流於身後享
年若干而卒夫人河清縣太君傅氏四德爰備六行
聿脩始則賓於舅妻終乃順成孟母春秋若干而終
開元十四年某月合葬於州城西南里之平原禮也
我有令子職司馬於小山我有淑孫偶乘龍於大樹
榮哀之事于茲畢矣銘曰

堂堂呂公 休有令德 穆穆傅母 順戎內則

雨譽齊振 雙儀不忒 景行山東 風流河北

有生必謝 誰能獨存 神寧故里 合葬平原

劍暗泉室 松寒墓門 勒銘沉礎 萬古何言

徐氏子墓誌

徐氏子者名巖字某司封員外郎堅之第四子也驥子睨雲鳳毛詵日孝友因性聰敏若神置在膝前已會星辰之氣戲於林下能記賓主之詞及總角成重精意好學問一知十升堂觀奧下筆成章而倫要發言為論而卓詭識者咸謂增世構之崇蘊荃源流之洪潤雖甘露之孫十二飛辯班彪之子九歲能文不尚之也天乎何辜顏頤無命年十有三歲大足九年九月遭疾而沒嗚呼哀哉瑀月始生不見其盈瓊枝方秀不見其茂悲哉銘曰

生日何淺

死路何深

珠碎眺月

花殘維林

哀哀父母

孰處何心

鳳閣尹舍人墓誌

我我尹氏太古之始發源堯師中兼周鄉爰暨初考咸有頌声猗歟府君代烈增盛孝行之本謙德之柄耽樂道真含光無競三典郡土五行以正再司府丞百工興詠茫茫大造物生遂性虛無宰之孰能力爭位不克德優游天命身沒道存同符孔聖是有才子克成餘慶子曲阿令銘曰

存為神鑑

歿為國殤

惟呂惟子

同歸義方

司屬主簿博陵崔訥妻劉氏墓誌

夫人劉氏其先彭城人也隋毗陵郡通守子將之曾孫唐滁州刺史德祖之孫汾州刺史延嗣之女也昔武子處秦馭初令氏元王國楚是焉昌族盛德之門龍驥接彩世祿之冑龜席聯華夫人璇室載蘭蕙林曾秀喈喈黃鳥豔豔清明聞詩聞禮竊比諸生茂行淵心實稱士女及鳳飛啓絲夫婦盡琴瑟之和鷄鳴咸繹舅姑移喬梓之敬友愛洽乎妯娌任恤周乎姻戚豈惟禮備澄幕工深機杼固以能循法度宜其室家矣年若干以大足元年七月某日寢疾而卒粵二

十九日某辰假塋於某里夫國喪賢嬪家亡淑媛母氏垂白殯奮所懷稚子始孩翦焉無倚嗚呼天道輔仁人道與順眷茲大德不遐三壽何哉報應之理豈神食其言脩短之期將事歸於命外姻畢革累歎不定夫人即吾姨也今薄譔素履未刊幽石圖史之外有美焉其銘曰

崔實齊冑

劉亦漢宗

崇其顯媾

望偶族雙

聞闈是穆

饋奠斯恭

貞歌浮漢

孝室洞江

珪璋其節

苑李其容

宜享階老

胡寧鞠凶

朝雉飛陌

春蘿墜松

夫傷兮墓

去此何從

百歲之後

鬼考合封

張說之文集卷第二十二

